



**II. ATALA**  
**BIZKAIKO LURRALDE HISTORIKOKO TOKI ADMINISTRAZIOA**

**Ubideko Udala**

**Dirulaguntzen Plan Estrategikoaren onarpena**

2018-2020 ekitaldietarako Diru-laguntzen Plan Estrategikoa onartu zen 2018ko urtarilaren 25ean. Textu osoa argitaratu zen.

Ubiden, 2018ko otsailaren 16an. — Alkatea, Joxan Pagola Kortajarena

**2018-2020 EPEALDIRAKO DIRU-LAGUNTZEN PLAN ESTRATEGIKOA**  
ATARIKOA

Ubideko Udala Bizkaia Lurralde Historikoan dago, zehazki, Bizkaiko Arratia-Nerbioi izeneko eskualdean, Lurraldearen hegoaldean kokatuta.

2,90 km<sup>2</sup>-ko azalera dauka. 178 biztanle dira. Datu horien arabera, biztanleria dentsitate baxuko eremua da. Hori dela eta, Arratiako Mankomunitatea eta sozietate zibil egituratuaren laguntza behar ditu funtzionaltasun batzuk garatu ahal izateko.

Horren arabera, Ubideko Udalak hainbat adarretan gauzatzen den diru-laguntzen eskema bat garatu du. Adar horiek guztiz lehenetsunekoak dira erabat legea betetze aldera:

- Euskara (azaroaren 24ko 10/1982 Legea, euskararen erabileraren normalkuntzari buruzkoa).
- Natur ingurunean (otsailaren 27ko 3/1998 Lege Orokorra, Euskadiko Ingurumena babesteari buruzkoa / abenduaren 23ko 17/2008 Legea, Nekazaritza eta elikadura politikari buruzkoa / urriaren 15eko 8/2015 Legea, emakume nekazarien Estatu-tuari buruzkoa).
- Kultura eta kirolak (uztailaren 3ko 7/1990 Legea, Euskadiko Kultur Ondareari buruzkoa / ekainaren 11ko 14/1998 Legea, Euskadiko Kirolari buruzkoa).

Adar horien garapena 90ean hasi zen eta azken 20 urteetan ekintza batzuk garatu dira apurka-apurka, Ubiden elebitasun eta kirol eta kultur jardueren esparruan egondako hutsuneak estaltzeko. Gainera, beste lan-esparru bat ere garatu da: ingurumenaren garapena, inguruko lehenengo sektorearen garapenarekin lotuta.

Aurrekoa ikusita, ildo estrategiko horietatik jarraitzea aurreikusi da, beste arlo batzuetan herritarrek dituzten ongizate-mailen baliokideak izatera heltzeko, hala nota hirigintza arloan; azken horretan eskaintza handiagoa baita. Garapenerako aldiak 2018, 2019 eta 2020 aurreko-ekitaldiak hartuko ditu barne.

**1. SARRERA****1.1. Aurrekariak**

Diru-laguntzen arloko araudiaren helburu nagusia jarduera publikoa da, tradizioan «sustapen» izenarekin ezaguna, legeak ezarritako parametroen barruan garatzea, aurretiko kontrol eta osteko ebaluaziorako mekanismo egokiak ezarriz, oinarritzko helburu hauen arabera:

- Sozietate zibil egituratuak garatzen duen interes publiko eta orokorreko jardueraren sustapena babestea.
- Babesgabetasun egoeran dauden pertsonen gizarteratze eta laneratzea sustatzea diru-laguntza ekonomikoen bidez.

Eta horretarako, legeak eskatzen du jarduera printzipio hauen arabera burutu behar dela:

- Publizitatea, gardentasuna, lehia, objektibotasuna, berdintasuna eta bazterkerarik eza.
- Administrazio emaileak finkatutako helburuen betetzearen eraginkortasuna.
- Administrazioaren eskumeneko kontrola.

Era berean, Administrazio Publikoen jardueren eraginkortasuna hobetzeko tresna eta kudeaketa-elementu gisa Diru-laguntzen Plan Estrategikoa landu beharra ezarri du legeak. Horrela, lortu beharreko helburuak eta ondorioak zerrendatuko dira, aurreikusitako kostu eta finantzazioa ere adieraziz, estali beharreko beharizan publikoak egokitze aldera, eskuragarri dauden baliabideak erabiliz, eta hori guztia emakidaren aurretik.

Azaroaren 17ko 38/2003 Legearen 8.1 artikulua oinarritzko izaera duenez, diru-laguntzak emateko asmoa duen Udal orok onartu behar du berari dagokion Diru-Laguntzen Plan Estrategikoa.



Diru-laguntzen 38/2003 Lege Orokorra, azaroaren 17koa, sistema ekonomikoa hobetzeko eta arrazionalizatzeko prozesuaren beste urrats bat da. Legearen printzipio zuzentzailetako bat gardentasuna da eta, Legeak arautzen dituen tresna sorta zabalarekin batera, horrek eragin zuzena izango du diru-laguntzen bidezko gastu publikoaren kudeaketaren efizientzia eta efikazia mailak igotzeko.

Hori dela-eta, diru-laguntzen inguruan informazio gehiago izateak, merkatuan eragin ditzaketen distorsioak eta interferentziak ezabatuko ditu eta, gainera, Herri Administrazioen jardueren osagarritasuna eta koherentzia erraztuko du, edozein gainezarpen alde batera utziz.

Efikazia hobetzeko, legerian Diru Laguntzen Plan Estrategiko bat egin beharra aurreikusten da, diru-laguntzak sortu aurretik edo Diru-laguntzen Ordenantza Orokorrek ezarritako eran Udalbatzak irabazi asmorik gabeko fundazioekin egin liratekeen lankidetzahitzarmenak sortu aurretik gauzatu beharrekoa.

## 1.2. Izaera juridikoa

Diru-laguntzen Plan Estrategikoak programa izaera duten kudeaketa-tresnak dira eta ez daukate arau-mailarik. Horrek ez du zuzenean eragiten partikularren eremuan eta hori onartzeak ez dakar eskubide edo betebeharririk administrazioarentzat.

Eraginkortasuna diru-laguntzen deialdien oinarri eta deialdien araberakoa izango da, baita hitzarmenak sinatzearen araberakoa ere diru-laguntza zuzenetan, eta ekitaldi bakoitzeko aurrekontuaren araberakoa.

## 2. EMAKIDA PROZEDURA

Diru-laguntzen Ordenantza Nagusian aurreikusitakoaren arabera, Ubideko Udalak emandako diru-laguntza guztiei zuzenean aplikatu behar zaizkie honako prozedurak, honako diru-laguntza motak ezarriz:

- Lehiaketa erregimenean emandako diru-laguntzak.
- Aurrekontuan aurreikusitako diru-laguntza nominatiboak.
- Interes publiko, sozial, ekonomiko edo humanitarioagatik zuzenean emandako diru-laguntzak edo deialdi publikoan eman ezin diren eta behar bezala justifikatuta dauden beste batzuk
- Ubideko Udalak legez eman behar dituen diru-laguntza.

Orokorrean, diru-laguntzak lehiaketa bidez emango dira; horretaz gain, laguntza zuzena eman ahal izango da udal aurrekontuetan nominatibo gisa agertzen diren diru-laguntzen kasuan; eta diru-laguntzaren ezaugarrien, premiaren edo interes publikoaren arabera bestelako emakida-prozedura bat eskatzen denean, indarreko legeriaren arabera, dagokion justifikazioa eginda erabili ahal izango da.

Diru-laguntzei dagokien oinarrietan jaso beharko da arautzen den diru-laguntza ildo bakoitzari dagokion prozedura.

## 3. EPEAK

Orokorrean, udal izaerako diru-laguntzek urtebeteko epea izango dute eta urte naturalarekin hautatu ahal izango dira.

Zirkunstantzien arabera, komenigarria baldin bada urtebetekoa baino epe luzeagoa finkatzea edo hautatzeko epea aldatzea, diru-laguntzei dagokien oinarrietan jaso beharko da hori.

Horrenbestez, Udal honek 2018-2020 epealdirako Diru-laguntzen Plan Estrategikoa onartu du, honako artikulua dituen:

**1. KAPITULUA****XEDAPEN OROKORRAK****1. artikulua**

Udal honek 2018 - 2020 epealdian emango dituen diru-laguntzak honako plan honetan aurreikusitakoaren arabera emango ditu.

**2. artikulua**

Plan honetan aurreikusitako diru laguntzak eraginkorrak izateko, dagozkion diru-esleipenak sartu beharko dira urte bakoitzeko udal aurrekontuetan eta diru laguntzak arautzen dituzten oinarriak jasotzen dituzten Ordenantzak onartu beharko dira.

**3. artikulua**

Diru-laguntzak ezartzeko baldintza izango da aurrekontu egonkortasunaren helburuak betetzea, eta beraz, onartuko diren aurrekontu esleipenak eta diru-laguntzak arautzen dituzten oinarriak uneoro helburu horietara egokitu beharko dira.

**4. artikulua**

Diru laguntzen Plan Estrategiko hau onartzeak ez du inolako eskubiderik sortuko onuradun izan daitezkeenentzat, eta ezingo dute inolako kalte ordainik edo konpentsaziorik eskatu Plana bere horretan betetzen ez bada.

**II. KAPITULUA****ONURADUNAK ETA DIRU LAGUNTZAK EZARRIKO DIREN ARLOAK****5. artikulua**

Udalak, deialdi publiko bidez edo emakida zuzenen bidez, emango dizkie diru laguntzak pertsoneri, elkarteei edo erakunde pribatuei herri onurako edo gizartearen intereseko jarduerak egiteko edo udal eskumeneko helburu publikoak lortzeko.

**6. artikulua**

Udalak diru-laguntzak emango ditu urtero honako arloetan:

- Euskara
- Jaiotza.
- Kultura.

**III. KAPITULUA****DIRU-LAGUNTZAK EUSKARA ARLOAN****7. artikulua**

Plana indarrean den aldian honako diru-laguntza lerroak ezarriko ditu Udalak euskara arloan:

1. (Barnetegietan, ikastaro trinkoetan, auto-ikaskuntza programetan e.a.etan) euskara ikasten ari diren herritarrei.

Aurrekontua: Programa honen bidez deitutako diru-laguntzen urteko zenbatekoa 400,00 eurotakoa da.

2. Udalezgaindi euskara garatzen duten entitateei eta elkarteei diru-laguntzak:

— *Helburu estrategikoa:*

Azaroaren 24ko, 10/1982 Legearen 5. artikulua xedatutako mandatua betetzea, hau da:

- Ubideko herritarrek Administrazioarekin edota Autonomia Erkidegoan kokatutako edozein erakunde edo entitatearekin harremanak euskaraz izateko eskubidea.



- Ubideko herritarrek aldizkariak eta beste hedabideetako emanaldiak euskaraz jasotzeko eskubidea.
- Ubideko herritarrek lanbide-jarduerak, langintza, politikagintza eta sindikatu-jarduera euskaraz egiteko eskubidea.
- Ubideko herritarrek edozein bilkuratan euskaraz mintzatzeko eskubidea.
- *Burutzeko epea:*
  - Urteroko deialdiak.
  - Azterketa burutzeko epemuga: 2020ko ekitaldia.
- *Finantzazio iturri:*

Udalaren aurrekontua, bertako partidak xedez (2018ko ekitaldia):

  - Partida: 335.480.02.

## IV. KAPITULUA

**DIRU LAGUNTZAK JAIOTZA ARLOAN****8. artikulua**

Plana indarrean den aldian honako diru-laguntza lerroak ezarriko ditu Udalak jaiotzak arloan:

- Seme-alabak izango dituzten udalerriko familiei zuzendutako diru-laguntzak.
- Aurrekontua: 1.800,00 euro.
- *Helburu estrategikoa:*

Udalerrian jaiotze tasa handitzea eta sustatzea.
- *Burutzeko epea:*
  - Urteroko deialdiak.
  - Azterketa burutzeko epemuga: 2020ko ekitaldia.
- *Finantzazio iturri:*

Udalaren aurrekontua, bertako partidak xedez (2018ko ekitaldia):

  - Partida: 231.480.01.

## V. KAPITULUA

**DIRU LAGUNTZAK KULTURA ARLOAN****9. artikulua**

Plana indarrean den aldian honako diru-laguntza lerroak ezarriko ditu Udalak Kultura arloan:

1. Ohiko kultura jarduerak burutzeko diru-laguntzak (irabazi-asmorik gabeko Kultur Talde, Erakunde edo Elkarteei diru-laguntzen emakida eskatzaileen arteko lehia bitartez ematea da. Diru-laguntza ohiko kultura jarduerak garatzeko izango da, berariazko prestakuntzarako edo kultura sustatzeko).

Aurrekontua: 400,00 euro.

2. «Zertu Elkartea» elkarteari diru-laguntza.

Aurrekontua: 400,00 euro.

– *Helburu estrategikoa:*

- Udalerriko kultur sarea laguntzea, zabaltzea eta sustatzea, jardunean dauden agenteen profesionaltasuna bultzatuz eta kultur sorkuntzari laguntzeko modeloak egonkortuz.

– *Burutzeko epea:*

- Urteroko deialdiak.
- Azterketa burutzeko epemuga: 2020ko ekitaldia.



– *Finantzazio iturri:*

Udalaren aurrekontua, bertako partidak xedez (2018ko ekitaldia):

- Partida: 334.481.01.

#### VI. KAPITULUA

#### IZENDUN DIRULAGUNTZAK

##### 10. artikulua

Aurrekontuko ekitaldi bakoitzean, aurrekontuan izendun diru-laguntzak ezarri ahal izango dira.

– *Helburu estrategikoa:*

Udalerriko ondare historiko-artistikoaren kontserbazioan laguntzea.

– *Burutzeko epea:*

Urteroko deialdiak.

– *Finantziazio iturriak:*

Udalaren aurrekontua, bertan adierazitako partidekin.

#### VII. KAPITULUA

#### PLANAREN KONTROLA ETA IKUSKATZEA

##### 11 . artikulua

Alkate-Udalburuak Plan hau indarrean dagoen aldian betetze mailaren kontrola gauzatuko du. Sail bakoitzeko zinegotzi arduradunak Arlo horri dagozkion diru laguntzen betetze mailaren kontrola gauzatuko du, betiere honako hau zehazki aztertuz:

- Diru-laguntza mota eta adar bakoitzeko informazioa, honako honek hauek jasoko dituelarik: emandako diru-laguntzak, zuritutakoak, uko egindakoak eta atzera bueltatutakoak.
- Helburu zehatzen betetze maila, lortzearen epea.
- Eragin nahi izan den errealitatean emandako ukitua eta ondorioak.
- Ondorioak edota baloraketa orokorra.
- Hurrengoan burutu behar den diru-laguntzaen egitasmo estrategikoa osatzeko iradokizunak.